



«Նոր ժամանակի կրթություն» ՀԿ

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ**

**ԱՎԱՐՏԱԿԱՆ ՀԵՏԱԶՈՏԱԿԱՆ
ԱՇԽԱՏԱՆՔ**

*Հետազոտության թեման՝ «Խաղային տեխնոլոգիաների
կիրառումը առարկայի դասավանդման գործընթացում»*

Առարկան՝ Երաժշտություն

Հետազոտող ուսուցիչ՝ Ամալյա Մանուկյան

Ուսումնական հաստատություն՝ 64 հիմնական դպրոց

Երևան 2022

Բովանդակություն

Ներածություն-----3

Գլուխ 1.Խաղի տեսության հիմունքները-----5

Գլուխ 2.Խաղային գործունեությունը դպրոցական կրտսեր, միջին և ավագ դպրոցական
հասակում:-----11

Խաղային տեխնոլոգիաների կիրառումը երաժշտություն և առարկայի դասավանդման
գործընթացում:-----14

Եզրակացություն-----16

Օգտագործված գրականության ցանկ-----19

Ներածություն

Խաղը համարվում է առաջատար գործունեություն նախադպրոցական հասակի երեխաների համար: Բայց ոչ այն պատճառով, որ երեխաները մեծամասամբ զբաղված են խաղով, այլ այն, որ երեխայի հոգեկանում որակական փոփոխություններ է տեղի ունենում: Այն նախատիպն է համարվում հետագայում բոլոր տեսակի գործողությունների համար, քանի որ երեխաների խաղի միջոցով մոդելավորվում են մեծահասակների կատարած գործողությունները: Հոգեբանության մեջ խաղի վերաբերյալ բազմաթիվ տեսություններ են առաջացել: Կարլ Գրուսը գտնում էր, որ խաղը երիտասարդ օրգանիզմի անգիտակից նախապատրաստումն է կյանքին: Ըստ Չ. Ֆրեյդի երեխան խաղում է իր անլիարժեքությունից դրդված՝ այժմ հնարավորություն չունենալով լինելու բժիշկ, տիեզերագնաց: Որոշ հեղինակներ գտնում են, որ խաղը կուտակած ավելորդ էներգիայի վատնում է, երբեմն էլ՝ հաճույքի աղբյուր:

Թեմայի արդիականությունը: Խաղի էական, կարևոր նշանակությունն այն է, որ երեխան կանգնում է ուրիշ մարդու դիրքերի վրա, կարծեք թե՛ նայելով աշխարհին նոր՝ մեծահասակի տեսանկյունից, որի դերը նա կատարում է: Խաղի ընթացքում երեխաների մտավոր ակտիվությունը միշտ կապված է երևակայության հետ: Խաղերն իրենց բովանդակությամբ կարող են ոչ միայն դրական, այլև բացասական ազդեցություն ունենալ երեխայի վրա:

Կան այնպիսի խաղեր, որոնք նպաստում են ատելության, կոպտության, դաժանության առաջացմանը և նյարդային համակարգի վրա բացասական ազդեցություն են թողնում: Այսպիսով, խաղը երեխաների բազմակողմանի դաստիարակության միջոց է: Այստեղ ձևավորվում են երեխաների անձնավորության բոլոր կողմերը, տեղի են ունենում զգալի փոփոխություններ նրանց հոգեկանում, որով նախապատրաստվում է անցումը դեպի նոր, զարգացման ավելի բարձր աստիճան:

Սրանով է բացատրվում խաղի հսկայական, դաստիարակչական հնարաորությունները: Խաղի մեջ դրսևորվում է երեխայի անձնավորությունը, նրա անհատական առանձնահատկությունները: Խաղը հնարավորություններ է տալիս դաստիարակությունը իրականացնել կազմակերպված և պլանավորված ձևով, ոչ թե քարոզների, ներշնչանքի՝ «Եղիր ազնիվ», «Խաղալիքներ տուր ընկերոջը» և այլն, այլ բուն խաղային գործունեության կազմակերպման միջոցով:

Բոլոր խաղերը լայնորեն օգտագործում են որպես ֆիզիկական դաստիարակության միջոց: Խաղերը պահանջում են ակտիվ շարժումներ, որոնց շնորհիվ ուժեղանուն է արյան շրջանառությունը, ավելի լիարժեք և խորն է դառնում նյութափոխանակությունը: Խաղերը նպաստում են ճիշտ կեցվածքի ձևավորմանը և գեղեցկությանը: Խաղը երեխաների համար իրական կյանք է:

Ես ուսումնասիրում եմ այս թեման, քանի որ ցանկանում եմ պարզել, թե ինչպես են կիրառվում **խաղային տեխնոլոգիաները երաժշտություն առարկայի դասավանդման գործընթացում:**

Թեմայի նպատակնը իրականացնելու համար անհրաժեշտություն է առաջանում ուսումնասիրել մի քանի խնդիրներ՝

. Խաղի մասին տեսությունների մանկավարժական վերլուծությունը,

.Խաղերի դասակարգումը,

.Խաղային գործունեության առանձնահատկությունները տարիքային տարբեր փուլերում,

.Դերային խաղը որպես հոգեբանական գործոն: Դերախաղի կարևորությունը միջանձնային հարաբերություններում,

.Խաղային տեխնոլոգիաների կիրառումը երաժշտությունն առարկայի դասավանդման գործընթացում:

Գլուխ 1. Խաղի տեսության հիմունքները

1.1 Խաղի մասին տեսությունների մանկավարժական վերլուծությունը

Խաղը մարդկային գործունեության ամենահետաքրքիր ձևերից մեկն է, այն ծագում է մանկության շրջանում և ուղեկցում մարդուն ողջ կյանքի ընթացքում: Խաղի հիմնադիրը մշտապես հետաքրքրել է ոչ միայն հոգեբաններին և մանկավարժներին, այլև փիլիսոփաներին, հասարակագետներին, ազգագրագետներին, կենսաբաններին և հոգեթերապևտներին:

Քննարկելով խաղային գործունեությունը տարբեր տեսանկյուններից գիտնականները միահամուռ նշում են, որ խաղը մարդկային մշակութային համակարգի ուրույն և անբաժանելի մասն է:

Խաղային գործունեության բացառիկ մանկավարժական նշանակությունը նախադպրոցահասակ երեխաների կյանքում կարևորել են անցյալի ականավոր մանկավարժներ՝ Յ.Ա. Կոմենսկին, Ժ.Ժ. Յուստոն, Ֆ. Ֆոյորեյը, Կ. Դ. Ուշինսկին, ինչպես նաև խոշորագույն հայ մանկավարժներ և գրողներ՝ Խ. Աբովյանը, Ղ. Աղայանը, Զ. Թումանյանը և այլոք: Խ. Աբովյանը հորդորում էր մանկավարժներին «չզրկել երեխային անմեղ խաղերից»: Իր «Պարապ վախտի խաղալիք» աշխատության մեջ նա կարևորում է երեխաներին ուրախություն և հաճույք պատճառելու գործում հետաքրքիր գրույցների և մանկական խաղերի դերը: Աբովյանի փոքրիկ հերոսներ Եղիսաբեթի, Ստեփանի, Վարդանի հետաքրքրությունը, տրամաբանությունը, մտածելու ընդունակությունը, ձևավորվել են մեծերի պատմությունների, գրույցների, ինչպես նաև կյանքի հետ շփվելու, խաղի ներգործության շնորհիվ: Կոչ անելով գնահատել և հարգել երեխայի անձնավորությունը Աբովյանը խորհուրդ է տալիս խաղի միջոցով դաստիարակել ճշմարտություն, ազնվություն, համեստություն, աշխատասիրություն:

Զ. Թումանյանը գտնում էր, որ խաղը երեխայի «բնական, օրգանական պահանջն է, նրա լրջությունը, նրա էությունն է... կյանքում ամեն բանի նա խաղով է մոտենում, խաղով է քնում, խաղով ճանաչում և ընդունում... Եվ ամեն բան, ինչ որ նրան տրվում է խաղով, ուրախությունով ընդունում է, հեշտ է յուրացվում»:

Մանրամասն քննարկենք խաղային գործունեության հիմնական առանձնահատկությունները:

1. Խաղային գործունեության ընթացքում բավարարվում են նախադպրոցականի հիմնական պահանջմունքները՝ ակտիվության և ինքնուրույնության, հաղորդակցման և մեծահասակների կյանքին անմիջականորեն հաղորդակից լինելու, արտաքին աշխարհը ճանաչելու և այն արտացոլելու:

2. Խաղային գործունեության ընթացքում բնականոն ճանապարհով զարգանում են երեխայի հոգեկան գործընթացները: Երեխան չի գործում «երևակայական իրադրության» պայմաններում և չի օգտագործում փոխարինող առարկաներ:

3. Խաղային գործունեությունը նպաստում է գործունեության նոր ձևերի՝ աշխատանքի և ուսումնական գործունեության, առանձնացմանը: Երեխայի խաղն իր զարգացման ընթացքում ձեռք է բերում աշխատանքային և ուսումնական գործունեությանը բնորոշ կառուցվածքային տարրեր՝ նպատակ, պլանավորում, արդյունք, որոնք ձևավորվելով խաղային գործունեության ընթացքում, տեղափոխվում են գործունեության այլ ձևեր:

4. Խաղային գործունեությունը բնական գործունեություն է, ուր չկա ճշում և հարկադրանք, առկա է երեխաների համար բնական միջավայր: Խաղի ընթացքում երեխաներն ազատ են և ինքնուրույն, ունեն հավասար իրավունքներ և ինքնադրսևորման լայն հնարավորություններ: Խաղն ապահովում է հուզականությամբ հագեցած հաճելի մթնոլորտ և համագործակցելու լավագույն պայմաններ:

5. Խաղը ստեղծագործական գործունեություն է, քանի որ այն նպաստում է յուրաքանչյուր խաղացող երեխայի անհատական առանձնահատկությունների բացահայտմանը և կրեատիվ ընդունակությունների զարգացմանը: Խաղի ընթացքում դրսևորվում և ախտորոշվում են երեխայի ժառանգական նախադրյալները, հակումներն ու հետաքրքրությունները:

6. Խաղը աշխարհաճանաչման և աշխարհի արտացոլման եղանակ է, հմացական գործունեություն: Խաղային գործունեության ընթացքում ձեռք բերած գիտելիքները կրկնակի արժեքավոր են՝ դրանք և տեղեկատվական են և գործնական բնույթի: Գիտելիքի խաղում անմիջապես կիրառվելու կամ փորձարկելու հնարավորությունը, նպաստում է դրա յուրացմանը և ամրապնդմանը, խաղի ընթացքում ձեռքբերած գիտելիքները չափազանց կայուն են:

7. Խաղային գործունեությունն իր բնույթով ուղղված է նախադպրոցականի հուզականային ոլորտի զարգացմանը, հետևաբար և հիմնարար անձնային որակների ձևավորմանը:

Ամփոփելով խաղային գործունեության առանձնահատկությունները, միևնույն ժամանակ նրա առավելությունները մանկան գործունեության այլ ձևերի նկատմամբ, կարելի է համարձակորեն արձանագրել, որ խաղը, հանդես գալով երեխաների առաջատար գործունեություն, երեխաների զարգացման լավագույն միջոցն է, նրանց կյանքի և գործունեության կազմակերպման հիմնական ձևը:

1.2. Խաղերի դասակարգումը

Գիտամանկավարժական⁸ գրականությանը հայտնի են խաղերի դասակարգման տարբեր եղանակներ և մոտեցումներ: Ֆ. Ֆրյոբերը կարևորում է խաղի մանկավարժական նշանակությունը, և խաղերը տարբերակում է իրենց մանկավարժական ուղղվածությամբ: Այսպես, նա առանձնացնում է մտավոր խաղեր, սենսոր խաղեր, շարժախաղեր և այլն: Կ. Գրոսը խաղը բաժանում է երկու խմբի՝ խաղվարժություններ երեխայի կամային ուժերը զարգացնող և հիմնական բնագրները կատարելագործող խաղեր:

խաղերի դասակարգման հետաքրքիր տարբերակ է առաջարկել ռուս մանկավարժ Ս.Լ.Նովոսյոլովան, որի հիմքում ընկած է խաղային գործունեության նախաձեռնությունը: Յեղիակն առանձնացնում է խաղային երեք խումբ.

- խաղեր, որոնց նախաձեռնողները երեխաներն են, դրանք ինքնուրույն և ստեղծագործական բնույթի խաղեր են: Օրինակ, սյուժետադերային խաղերը, խաղ-թատերացումները, խաղ-փորձարկումները:

- խաղեր, որոնց նախաձեռնողը մեծահասակներն են, դրանք ունեն ընդգծված մանկավարժական ուղղվածություն: Օրինակ, ուսուցանող և ինտելեկտուալ խաղերը, շարժախաղերը, խաղ-զվարճանքները;

- ժողովրդական խաղեր, որոնք ավանդաբար փոխանցվում են սերնդեսերունդ:

Խաղային գործունեությունն իր բնույթով լինում է ստեղծագործական և նպատակաուղղված զարգացնող կամ կանոնով: Առաջին խմբին դասվում են.

- սյուժետա-դերային խաղեր,

- խաղ-թատերացումները,

- կառուցողական խաղերը,

- ռեժիսորական խաղերը և խաղ-երևակայությունները:

Ստեղծագործական խաղերի բովանդակությունը կառուցվում է խաղացող երեխաների կողմից, այն ստեղծագործական բնույթի է: Ստեղծագործական խաղերում արտացոլվում են երեխաների տպավորություններն ու պատկերացումները արտաքին աշխարհի հանդեպ, ինքնուրույնության և ակտիվության մղումները, դրսևորվում են «ազատության աստիճանները», ցանկությունները, նախասիրություններն ու հետաքրքրությունները: Խաղի սյուժեն ընտրվում է խաղացող երեխաների կողմից և դրա հիման վրա կառուցվում է խաղի բովանդակությունը: Երեխաների խաղային մտահղացումն իրականացվում է դերային փոխակերպման եղանակով: Ստեղծագործական խաղերը նպաստում են սոցիալական դերերի յուրացմանը, սոցիալական փորձի ձեռքբերմանը և սոցիալական հարաբերությունների հաստատմանը: Ինքնուրույն եղանակով յուրացված սոցիալական փորձը վստահություն է ներշնչում աշխարհի և սեփական «ես»-ի հանդեպ և օգնում երեխային ինքնաօգնականության հասակակիցների միջավայրում:

Խաղերի երկրորդ խումբն են կազմում կանոնով խաղերը, որոնք հատուկ կազմակերպվում են մեծահասակների կողմից երեխաներին ուսուցանելու, դաստիարակելու և զարգացնելու նպատակով: Այս խմբին են պատկանում դիդակտիկ խաղերը, շարժողական խաղերը և տարբեր բնույթի զարգացնող խաղեր: Կանոնով խաղերը մշակվել են ժողովրդական խաղերի հիման վրա երեխաներին: Խաղի բովանդակությունը միտումնավոր սահմանափակվում է կանոններով, որոնք կարգավորում և նպատակաուղղում են երեխաների խաղային գործողությունները: Կանոնով խաղերի բացառիկ նշանակությունը առանձնահատուկ կարևորել է Դ.Բ. Էլկոնինի կողմից, որը նշում է դրանց կրկնակի մանկավարժական ներգործությունը, մյուս կողմից մանկավարժի նպատակաուղղված ներգործությունը, մյուս կողմից՝ երեխաների փոխներգործությունը, այսինքն, ինքնաուսուցումը (ավտոդիդակտիզմը): Կանոնավոր

խաղերը ուսուցանում են և, դրանք ունեն հստակ մանկավարժական ուղղվածություն: Կանոնով խաղերի բովանդակությունը նախապես մշակվում և պատրաստի ձևով ներկայացվում է դաստիարակում, կրթում են և զարգացնում, նպաստում են ինքնագնահատմանը և փոխգնահատմանը:

Ռեժիսորական խաղն անհատական գործունեություն է և ունի ընդմենը մեկ դերակատար: Այն միանձնյա խաղ է, քանի որ մյուս «մասնակիցները» անշունչ առարկաներ են՝ խաղալիքներ, տարմեր փոխարինող իրեր: Խաղացող երեխան միաժամանակ գործում է իր և մնացած բոլոր «խաղընկերների» կողմից, դրանով իսկ կառավարում է խաղային իրադրությունը և կարգավորում խաղի ընթացքը:

Ռեժիսորական խաղերը երեխայի անհատական զարգացման ընթացքում ծագում են ավելի շուտ, քան սյուժետադերային խաղերը: Ռեժիսորական խաղերի հիմնական առանձնահատկությունը, կարելի է ասել, նույնիսկ առավելությունը կայանում է նրանում, որ խաղն ունի ընդամենը մեկ դերակատար, որի «խաղընկերները» չունեն ցանկություններ, պահանջմունքներ, հետևաբար չունեն նաև հավակնություններ խաղից, ինչը հնարավորություն է տալիս խաղացող երեխային միանձնյա ղեկավարելու, որոշելու բոլորի փոխարեն և գործելու սեփական նախասիրություններից ելնելով: Ռեժիսորական խաղն ունի արտաքին հայացքից անտեսանելի, սակայն բավական լուրջ խորհուրդ՝ այն նրբանկատորեն սովորեցնում է երեխային խաղալ և գնահատել սեփական ուժերը: Անշունչ «խաղընկերների»՝ խաղալիքների և առարկաների հետ շփվելու միջոցով, նա, կարծես, նախապատրաստվում է հասակակիցների հետ հաղորդակցման: Անհատական խաղը հնարավորություն է տալիս երեխային ազատ արտահայտելու սեփական փորձը, դիտարկելու այն տարբեր կողմերից և տեսանկյուններից: Ռեժիսորական խաղերի ընթացքում նույն սյուժեն երեխայի կողմից կարող է խաղարկվել մի քանի եղանակներով՝ տարբեր խաղանյութի օգտագործմամբ: Ռեժիսորական խաղերի միջոցով բավարարվում են երեխայի եսակենտրոն հակումները: Սակայն, խաղի անսահման հնարավորություններից օգտվելու բուն ցանկությունը ստիպում է երեխային խաղի մեջ ներգրավել բազմաթիվ անհայտ կերպարներ, ինչը բարդացնում է սցենարի խաղարկման ընթացքը և ակամայից հարստացնում երեխայի փորձը: Սեփական փորձի հարստացման գործում անգնահատելի է խոսքի դերը, խոսքը կարծես թե նվազակցում է խաղային գործունեությանը, օգնում առավել լիարժեք բացահայտելու կերպարը, դրսևորելու վերաբերմունքը նրա նկատմամբ: Խոսքի միջոցով երեխան կարող է լուծել ցանկացած անլուծելի խնդիր, կարող է դուրս գալ ստեղծված ամենաբարդ իրադրություններից: Խոսքը ռեժիսորական խաղում դառնում է խաղի հաջողության գրավականը: Խոսքի արտահայտչական միջոցներով՝ առոգանությամբ, շեշտադրումներով, խորհմաստ բառերով, հումորի և այլ դրսևորումներով, երեխան հանգիստ փոխում է սեփական դիրքորոշումները և վերանայում խաղի ընթացքը:

Նախադպրոցական մանկության շրջանում անփոխարինելի է սյուժետադերային խաղերի դերը: Սյուժետադերային խաղերն իրենց բնույթով ստեղծագործական են: Երեխան այդ խաղում արտացոլում է ոչ միայն առանձին տպավորություններ կամ պատկերացումներ, այլև տարբեր իրադրություններ, անձնային փորձից փոքրիկ դրվագներ կամ հասարակական երևույթներ: Սյուժետադերային խաղերն իրենց բնույթով հուզական են, հագեցած են դրական հույզերով և լիցքերով: Սյուժետադերային խաղերին բնորոշ հուզականությունը, ներքին բավարարվածության զգացողությունը, խաղի

ընթացքում պահպանվող բարձր տրամադրվածությունն ու ուրախությունը նպաստում է առավել ազատ և անկաշկանդ ինքնադրսևորմանն ու ինքնահաստատմանը: Սյուժետադերային խաղերի սյուժեները հաջորդաբար արտացոլում են արդի հասարակության բոլոր կողմերը, և նույնիսկ ավանդական սյուժեները երեխաների տարբեր սերունդներ արտացոլում են հասարակության առկա առանձնահատկությունները և մեկնաբանվում են, կարծես, ժամանակի թելադրանքով: Սյուժետադերային խաղերի ղեկավարումը պահանջում է աշխատանք երկու ուղղությամբ.

-խաղային գործունեության կայացման,

-խաղային գործունեության մանկավարժական ուղղորդման՝ երեխաների դաստիարակության և նրանց փոխհարաբերությունների ձևավորման նպատակով:

Ղեկավարման եղանակները պայմանական բաժանվում են երկու խմբի՝ ավանդական և ժամանակակից մեթոդների: Ավանդական ղեկավարման ուղին հիմնված է խաղերի բովանդակության հարստացման վրա: Վերջին տարիներին՝ նույնիսկ ղեկավարման նոր մոտեցումների կիրառման պայմաններում, արձանագրվում է սյուժետա-դերային խաղերի բավական ցածր մակարդակ և դրանց նկատմամբ երեխաների հետաքրքրության զգալի նվազում: Նշված փաստերը կրկին վերանայման է ենթարկում սյուժետադերային խաղերի կազմակերպման և ղեկավարման գործող եղանակները և նպաստում նոր մեթոդների մշակմանը:

Խաղի կառուցման եղանակների ուսուցումն՝ ուղղված խաղային կարողությունների ձևավորմանը, ենթադրում է նպատակային մանկավարժական աշխատանք երեք փուլով: Առաջին փուլում երեխաները մեծահասակների հետ համատեղ խաղում սովորում են հաջորդաբար կատարել առարկայա-խաղային գործողություններ, օգտագործելով համապատասխան խաղալիքներ և առարկաներ: Երկրորդ փուլում երեխաները սովորում են կատարել խաղային դերին համապատասխանող գործողություններ, ինչը նպաստում է դերային վարքագծի առանձնահատկությունների յուրացմանը:

Երրորդ փուլում, երեխաները մեծահասակների հետ համատեղ գործունեության ընթացքում սովորում են կառուցել ամբողջական սյուժե, միավորելով սյուժեի առանձին մասերն ու դրվագները:

Համաձայն Ա.Պ.Ռեսովայի հետազոտությունների տվյալների, երեխաների փոխհարաբերությունները խաղի ընթացքում անցնում են ձևավորման երկարատև ուղի: Փոխհարաբերությունների առաջին աստիճանն իրենից ներկայացնում է անկանոն կամ ձևավորված խաղային հարաբերությունների փուլ և բնութագրում է երեխաների վարքի անկանոն և անկազմակերպ դրսևորումներով: Երեխաները ոչ միայն չեն փորձում համագործակցել, այլ միտված են խանգարելու միմյանց, խոչնդոտելու խաղը (խլում են խաղալիքները, հրմշտում իրար, դրսևորում են անկայուն հուզականություն): Փոփոխությունների առաջին աստիճանը բնորոշ է 2-3 տարեկան երեխաներին, որոնք նշված ձևով ուղակի զբաղվում են և ուշադրություն գրավում, նրանք չունեն հաղորդակցման որևէ փորձ:

Փոխհարաբերությունների զարգացման հաջորդ աստիճանը բնութագրում է միայնակ խաղերով: Մեկուսի խաղերի ընթացքում երեխաները չեն հաղորդակցվում, յուրաքանչյուրը տարված է իր խաղով, սակայն նրանք չեն էլ խանգարում

միմյանց, հարկ եղած դեպքում կարող են, նույնիսկ, օգնել իրար: Ինքնուրույն ընթացող միայնակ խաղը՝ համատեղ խաղերի առաջնային նախադրյալն է:

Փոխհարաբերությունների զարգացման երրերդ փուլում ի հայտ են գալիս «կողք-կողքի» խաղերը, դրանք տարբերվում են նրանով, որ նույն խաղային տարածքում ծավալվում են ինքնուրույն խաղեր, որոնք ընթանալով առանձին՝ միտված են միավորվելու: Երեխաները ոչ միայն օգնում են միմյանց, այլև հարկ եղած դեպքում պատրաստ են խորհուրդ տալու, հուշելու, զիջելու որևէ խաղանյութ, կարող են, նույնիսկ, հնչել միավորման զգույշ առաջարկներ:

Չորրորդ փուլը՝ կարճատև հաղորդակցման փուլն է, որը բնութագրվում է խաղի շուրջ հաղորդակցվելու և փոխհարաբերվելու ցանկությամբ և անհրաժեշտությամբ: Այս փուլում արդեն ձևավորվում են որոշակի խաղային պարտականությունների գիտակցմանը: Երեխան հասկանում է, որ խաղից դուրս գալ չի կարող, քանի որ իր պատճառով կարող է դադարել խաղը: Խաղային մտահղացումը կարող է ենթարկվել փոփոխության, կարող են վերաբաշխվել դերերը, սակայն անփոփոխ է մնում արդեն միավորված խաղացող երեխաների խումբը:

Փոփոխությունների ձևավորման հինգերորդ փուլը կարելի է անվանել երկարատև հաղորդակցման փուլ, որը բնութագրվում է ընդհանուր հետաքրքրության հիման վրա, խաղի բովանդակության շուրջ երեխաների միավորմամբ: Երեխաների հաղորդակցումը գիտակցված է, այն ուղղված է խաղի նպատակին ընդհանուր ուժերով հասնելուն՝ մտածված խաղային գործողությունների և համագործակցության միջոցով: Երեխաները բավական ինքնուրույն են և կազմակերպված, ընդունակ գնահատելու սեփական գործողությունները և խորհրդակցելու համատեղ խաղի շահերից ելնելով:

Վեցերորդ աստիճանը՝ կայացած փոխհարաբերությունների փուլն է, այն բնութագրվում է հասակակիցների հետ մշտապես շփվելու, ընդհանուր խաղային մտահղացման շուրջ միավորվելու և համատեղ խաղի սյուժե կառուցելու ցանկությամբ ու պատրաստակամությամբ:

Երեխաները հանուն խաղի, հանուն փոխպայմանավորված գործունեության պատրաստ են փոխզիջման, փոխօգնության և այլ դրական արարքների: Վեցերորդ աստիճանի փոխհարաբերությունները համարվում են ձևավորված, դրանք աստիճանաբար կատարելագործվում և իմաստավորվում են երեխաների կողմից ու ակամայից փոխանցվում իրական կյանք: Սյուժետադերային խաղերի ընթացքում, երեխաների փոխհարաբերությունների ձևավորման գործում մեծ է մեծահասակի

գրագետ մանկավարժական աշխատանքի դերը: Մանկավարժության գիտահետազոտական ուսումնասիրությունների շարքում մշտապես արդիական է ստեղծագործական խաղերի ղեկավարման նոր մշտական հիմնախնդիրները:

Գլուխ 2. Խաղային գործունեությունը դպրոցական կրտսեր, միջին եվ ավագ դպրոցական հասակում

Դպրոցական կրտսեր տարիքի համար բնավորության վառ և դաստիարակության հետևանքով հեշտ է մտնել կերպարի մեջ: Երեխաները հեշտ են մտնում ցանկացած գործունեության մեջ՝ հատկապես խաղային, հաճախակի մտնում են խմբային խաղի մեջ, շարունակում են խաղալ ծրագրերի, խաղալիքների հետ, առաջանում են ոչ պլանավորված խաղեր:

Խաղը սովորելու մեջ, խնդրի ստեղծման ժամանակ կատարվում է ներմուծված իրավիճակի միջոցով, խնդրի իրավիճակում այն առաջանում է խաղացողի խաղը ընկալման շրջանակներում, գործունեությունը կայանում է խաղի կերպարների ձևավորման շրջանում, մի մասն էլ տեղի է ունենում պայմանական խաղի ժամանակ:

Երեխաները գործում են խաղի կանոններով (ինչպես դերային խաղի ժամանակ, տրամաբանությամբ խաղացող դերը, երևակայական կերպարի արտաքին ձևավորման իրական պատկերացման մեջ): Խաղային գործունեությունը կարգավորում է նաև ուսուվչի դերը, որը մարմնավորում է մասնակցի օգնականի և խորհրդատուի դերը:

Խաղերը երկու ձևով են դեր խաղում սովորեցնող և սովորեցնող ճանաչողական: Խաղի ցուցադրական ֆունկցիան կայանում է խաղի քննարկման ժամանակ, խաղի անալիզը, ինչպես մոդելավորող, նրա հարաբերությունը իրականության հետ: Հետագայում գլխավոր դերը կատարողը կատարում է վերջնական եզրակացությունը, որտեղ մասնակիցները քննարկում և վերլուծում են խաղի արդյունքները, խաղայինից մոդելի և իրականության համադրությամբ, ինչպես նաև քայլը խաղային-սովորեցնող փոխգործողությունը: Սկսնակ դպրոցի դաստիարակության մեջ ներարված են խաղեր, ունակ հարստացնելու ու երեխաների մոտ առաջացնելու արագ բառապաշար, կապակցված խոսք: Խաղերը ուղղորդված են նաև թվային զարգացման, հաշվել սովորելու, տրամաբանության զարգացման, հիշողության և ընդունակությունների ամրապնդման:

Ցուցուցադրական խաղի էությունը կայանում է.

1. Նրանց հաճախակի օգտագործման,

2. Նպատակային խաղի ծրագրից սովորական ցուցադրական վարժություններով:

Խաղային տեխնոլոգիաները կառուցվում են նպատակային դասընթացի՝ մեծամասնությունը ներառող, ընդհանուր միավորումը սցենարի գաղափարի հետ: Նրա մեջ ներառվում է խաղի անմիջական հետևանքները և վարժությունները, խաղացողի ընդունակությունները ցուցադրող, բնավորության դրսևորումները, համեմատությունը, խաղային խմբերը ընդհանուր ճանաչողության, խաղային խմբերը, որտեղ դպրոցականները կարողանում են տարբերել իրականը անիրականից, խաղային խմբեր-ինքն թեզ տիրապետելու, հասկանալու, արագ կողմնորոշվելու խոսքի մեջ և այլն:

Այս ամենում խաղային սցենարը զարգանում է սովորելու յուրահատուկ առանձնահատկությունը, օգնում է ակտիվացնել սովորելու գործընթացը, համալրել առարկաների թիվը: Խաղային գործունեությունը կազմված է խաղային էլեմենտներից և մասնիկներից:

Երեխաներին երաժշտության տեսության ուսուցումը Կիրյուշինայի մեթոդով: Այս մեթոդը հասու է բոլոր նրանց ովքեր ընկալում են երաժշտությունը հոգեպես: Բոլոր հերոսները տարբեր ձևով են իրենց դրսևորում արկածների ժամանակ, որտեղ բացահայտում է նրանց ունակություններն ու որակը: Հերոսի հետ միասին երեխաները սովորում են երաժշտության ընկալումն ու ունակությունը, ռիթմի, տոնի և չափի զգացողությունը:

Դեռահաս տարիքում ցանկություն է առաջանում ստեղծել թո սեփական աշխարհը, ցանկությունը մեծանալու, երևակայության բուռն զարգացումը, երազանքներ և բանաստեղծական խաղերի առաջացումը: Ավագ դպրոցում հիմնական խաղերի նպատակն է հաստատվել հասարակության առաջ, հումորային երանգը, հաղթելու ցանկությունը, խոսակցական գործունեության զարգացումը:

Խաղային տեխնոլոգիաների կիրառումը առարկայի դասավանդման գործընթացում

Խաղային տեխնոլոգիաների կիրառումը մանկավարժության տեսության մեջ և պրակտիկայում շատ կարևոր է: Խաղի մեթոդաբանական հիմքերի, սոցիալական բնույթի

և սովորողի զարգացման գործում դրա ունեցած դերի ու այլ հարցերի մշակմամբ ժամանակակից մանկավարժության մեջ զբաղվել են Լ. Վիգուրսկին, Ա.Ն.Լեոնտևը, Դ.Բ.Էլկոնինը: Ըստ հոգեբանների՝ խաղին հատուկ կարևորություն է տրվում կրտսեր դպրոցական տարիքի երեխաների ուսուցման ու դաստիարակության գործում: Այդ տարիքը առանձնանում է որպես անհատականության ձևավորման առաջին աստիճան, և զարգացման հենց այդ շրջափուլի գործունեության հիմնական տեսակը, ուսուցման հետ զուգահեռ, շարունակում է մնալ խաղը: Խաղային տեխնոլոգիաների կիրառումը դասերի ընթացքում նպաստում է աշակերտի ակտիվացմանը՝ և՛ մարմնաշարժողական և՛ իմացական առումներով: Ակտիվությունն անհրաժեշտ պայման է ժամանակակից մանկավարժական գործընթացի արդյունավետ կազմակերպման համար: Խաղի մուտքը դասարանում ստեղծում է նոր, յուրահատուկ միջավայր: Աշակերտներն անկաշկանդ արտահայտում են իրենց մտքերը՝ անսկատելիորեն ընդգրկելով ակտիվ ուսուցման մեջ:

Դիդակտիկ խաղերը կարող են օգտագործվել առաջին դասարանի աշակերտների համար:

Չաշվի առնելով խաղի դրական արժեքը կրտսեր աշակերտի համակողմանի զարգացման համար՝ նրա առօրյան մշտապես պետք է բավականաչափ ժամանակ տրամադրել երեխային այդքան ուրախություն պարգևող խաղային գործունեությանը: Կարգավորելով դպրոցականների խաղերը, զերծ պահելով նրանց չարաճճիությունից, ավելորդ ֆիզիկական ծանրաբեռնվածությունից, Էգոցենտրիզմից (մշտապես գլխավոր դերերը խաղալու ցանկությունից), ուսուցիչները, միևնույն ժամանակ, չպետք է անհարկի ճնշեն երեխաների նախաձեռնողականությունն ու ստեղծագործական ունակությունները:

Մանկավարժորեն գրագետ կազմակերպված խաղը մոբիլիզացնում է երեխայի մտավոր կարողությունները, զարգացնում կազմակերպչական հմտություններ, սերմանում է ինքնակարգապահության հմտություններ, ուրախություն է բերում համատեղ գործողություններից:

Որպես երաժշտության ուսուցչուհի ներկայացնեմ խաղային տեխնոլոգիաների կիրառումը երաժշտություն առարկայի դասավանդման գործընթացում:

«Երաժշտություն» առարկան հիմնական դպրոցում ունի իր առանձնահատկությունները և հիմնախնդիրները: Երաժշտության ուսուցման գործընթացն ունի իր յուրահատկությունները՝ կապված մարդկային մտածողության, ընկալման, իմացության, երևակայության և հուզաշխարհի առանձնահատկությունների հետ: Խաղն ու երաժշտությունը երեխայի առավել հետաքրքիր ու սիրելի զբաղմունքներից են: Իմ կարծիքով, եթե երեխան շատ ժամանակ է տրամադրում խաղին, ուրեմն մեծանում է ճիշտ ճանապարհով: Խաղալիս նրանք դառնում են ազատ ու անկաշկանդ, խաղի արդյունքում զարգանում են հիշողությունը, ուշադրությունը,

երևակայությունը, ինչպես նաև խոսքն ու ստեղծագործական միտքը: Աշակերտը մշակույթը չի սովորում, այն յուրացնում է դիտելով-լսելով-մասնակցելով: Այս շրթայի մասերը կապողը խաղն է, որը հասու է բոլորին, սիրելի է բոլորին ու հասկանալի: Խաղն ինքնուրույն հորինելով՝ աշակերտները երգը յուրացնում են՝ պատկերով մեղեդիով, հարմոնիայով, բովանդակությամբ, որովհետև խաղալիս նրանք հենվում են իրենց զգացողությունների և պատկերացումների վրա, աշխատում են զգալ, հասկանալ և վերարտադրել ամեն ինչ: Միաժամանակ օգտագործում են իրենց ունեցած տեղեկությունները, ինֆորմացիան: Հաճախ խաղը ոչ թե փոքր ներկայացում է ստացվում, այլ շարժուն խաղ է դառնում, որն ավելի յուրօրինակ է, ազատ շարժումներով: Այդպիսին է «Գացեք տեսեք», «Կոտ ու կես կորեկ ունեմ» երգ-խաղերը:

Ձայն, խոսք, ասմունք, երաժշտություն-երգ, շարժում-պար՝ երաժշտական խաղի այս բաղադրիչները աշակերտների բնական զարգացման անփոխարինելի միջոցներ են: Դրա շնորհիվ երգի ուսուցում կոչվածը հետաքրքիր, գրավիչ, սիրելի ընթացք է ունենում:

Եզրակացություն

Խաղը մարդկային գործունեության ամենահետաքրքիր ձևերից մեկն է մանկության շրջանում, մարդու ողջ կյանքում:

Խաղը գործունեության տեսակ է, որի դրդապատճառները ոչ թե նյութական արդյունք և օգուտ ստանալն է, այլ հաճելի ապրումները, ընդունակությունների մարզումը, սոցիալական կապերի ստեղծումը:

Խաղը բացի ժամանցային երևույթ լինելուց, ունի նաև դաստիարակչական, ուսուցողական նշանակություն: Այս դեպքում այն հանդես է գալիս որպես միջոց, մեթոդ, մեթոդ գիտելիքը տեղ հասցնելու համար: Խաղը լայն տարածում ունի ժողովրդական դաստիարակության և դպրոցական շրջանում: Երեխայի զարգացման գործում հսկայական է խաղի առաջատար գործունեության դերը: Խաղի ծագման, էության, երեխաների կյանքում նրա տեղի և նշանակության, առավել արդյունավետ օգտագործման և այլ շատ ուրիշ հարցեր՝ կապված խաղի հիմնահարցի հետ, հետաքրքրել ու շարունակում են հետաքրքրել փիլիսոփաներին, պատմաբաններին, հոգեբաններին, մանկավարժներին:

Երեխաների խաղն աչքի է ընկնում որոշակի առանձնահատկություններով: Նրանցից հիմնականը այն է, որ խաղը երեխաների կողմից շրջապատող կյանքի՝ մեծերի գործողությունների, գործունեության, նրանց փոխհարաբերությունների արտացոլումն է, ընդ որում, այնպիսի պայմաններում, որոնք ստեղծվում են երեխաների երևակայությամբ: Խաղը թույլ է տալիս տեսնելու ու ճանաչելու երեխաների հոգին, այն նպաստում է մանուկների դաստիարակությանն ու զարգացմանը: Խաղի մեջ երեխան փորձում է իր ուժերը, դառնում ինքնուրույն: Խաղում երեխան յուրահատուկ ձևով վերարտադրում է այն, ինչը տեսնում է շրջապատում: Խաղը դիտվում է որպես երևակայության դրսևորման միջոց: Խաղում երեխան կուտակում է գիտելիքներ շրջապատող

աշխարհի վերաբերյալ դառնում է համարձակ, ճկուն, աշխատասեր: Բազմաթիվ մանկավարժներ խաղը դիտում են որպես երեխաների ինքնուրույն, ստեղծագործական գործունեություն:

Խաղի կարևոր յուրահատկություններից է այն, որ խաղային գործունեությունը, կերպարը և խոսքը հանդես են գալիս միասնական, կապակցված ձևով: Սա խաղի ոչ թե արտաքին հատկությունն է, այլ նրա բուն էությունը:

Խաղը գործունեություն է, ուր հաղթահարվում են երեխայի անմիջական աֆեկտները, ցանկությունները, և նա սովորում է գործել ոչ թե վայրկյանական ցանկությունների ազդեցության տակ, այլ ապագա գործունեության իրադրությունում: Խաղը նոր պահանջմունքների դպրոց է: Խաղի ընթացքում երեխաների մտավոր ակտիվությունը միշտ կապված է երևակայության հետ: Խաղն ունի բացառիկ մշակակություն երեխաների բարոյական հատկությունների ձևավորման հարցում: Խաղում ձևավորվում են ընկերասիրությունը, բարեկամական զգացմունքները, ընդհանուր նպատակին հասնելու համար համաձայնեցված գործողությունները, վիճելի հարցերը արդար լուծելու կարողությունները:

Ուսումնասիրությունը հնարավորություն է տալիս հանգելու հետևյալ եզրակացությունների: Խաղի նշանակությունը չի կարելի գնահատել միայն ժամանցային հնարավորություններով, դրանում էլ կայանում է իր հզորությունը, որն էլ մարդու համար ոչ միայն ժամանց ու հանգիստ է, այն կարող է դառնալ սովորություն ստեղծագործական առումով, որպես մարդկային հարաբերությունների մեխանիզմ և աշխատանքի առաջացում: Առաջին հերթին պետք է առանձնացնել խաղի գործողության ձևերը՝ շարժողական, ինտելեկտուալ, աշխատանքային, սոցիալական և հոգեբանական: Եվ վերջապես խաղային գործունեության մեջ զգալի չափով մտնում է խաղային շերտը: Խաղը ոչ միայն երեխային զարգացնում է համակողմանի, այլ նաև զարգացնում է երեխայի հոգեկան գործընթացները:

. Խաղը ստեղծագործական գործունեություն է, քանի որ այն նպաստում է յուրաքանչյուր խաղացող երեխայի անհատական առանձնահատկությունների բացահայտմանը: Խաղի ընթացքում դրսևորվում են երեխայի հակումներն ու հետաքրքրությունները, խաղային գործունեության միջոցով իրականացվում են հետևյալ հիմնական խնդիրները՝

. զարգանում են հոգեկան գործընթացները, խաղի ընթացքում ստեղծվում են ինքնաարտահայտվելու հնարավորություններ,

. Խաղը՝ որպես իմացական գործունեություն նպաստում է աշխարհաճանաչմանը,

. Խաղի ընթացքում զարգանում են բարոյականային որակների և հուզազգացմունքային ոլորտը:

Երաժշտությունը երեխաների ուսուցման և զարգացման ամենահարուստ աղբյուրներից մեկն է, նրանց խաղերի բնական տարրը, որն ապահովում է մեծահասակների հետ դրական և ուսանելի փոխգործությունների բազում առիթներ:

Անցկացրած հետազոտական աշխատանքների հիման վրա կատարած հետևությունները նպաստել են հանգելու հետևյալ եզրակացությունների՝

1 . Խաղերը, որոնք ուղղված են ռիթմի զգացողության զարգանալուն, դրանք երեխաներին սովորեցնում են ռիթմիկ արտահայտվածություն զգալ երաժշտության մեջ՝ այն փոխանցելով շարժման մեջ:

2 . Խաղերը, որոնք ուղղված են լսողության զարգացմանը, օգնում են երեխաներին սովորել տարբերակել երաժշտության երանգները և դրա ամբողջական ընկալումը:

3 . Խաղերը, որոնք ուղղված են հիշողության և լսողության զարգացմանը, դրանցում երեխաները սովորում են անընդհատ լսել երաժշտություն, հիշել այն, որպեսզի ճշգրիտ և բնութագրական շարժումներով իրենց արտացոլումը կատարեն երաժշտական տպավորություններով:

4 . Խաղերը, որոնք ուղղված են ընդհանուր առմամբ երեխաների ստեղծագործական զարգացմանը, դրանք ազդում են երեխայի դաստիարակության և զարգացման հոգեբանական բաղադրիչի վրա:

Օգտագործված գրականության ցանկ

1. Արզումանյան Ս. «Հոգեբանություն»-Երջան.Չանգակ-97,2003:
3. Գյուլամիրյան Ջ.-«Խաղալով սովորենք» Երջան,2009
4. Հարությունյան Հ.Ս.-«Ուսումնական խաղերի ձեռնարկ»Երջան,2007
5. Մարության Ս.Ա.,Մ.Դալլաբյան, Նախադպրոցական մանկավարժություն Բուհական դասագիրք,Երջան-2008
6. Նալչաջյան Ա.Ա.Հոգեբանության հիմունքներ,Ե.1997

Համացանցային գրականություն

1. <http://www.lauc.ru//zzz/ebooks/vinichenko4/Page271.htm>
2. <http://www.openclass.ru/dig-resource/57245>
3. <http://revolution.allbest.ru/pedagogics/00032657.html>
4. ipk.admin.tstu.ru/articles/?cat=105&pub=1512

